

Broj: 01-11-11-00948-2/24
Sarajevo, 4.3.2024. godine

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), Pravilnika o postupku direktnog sporazuma („Službeni glasnik BiH“, broj 90/14), te čl. 6. i 7. Pravilnika o postupku javne nabavke putem direktnog sporazuma u Federalnoj upravi za inspeksijske poslove broj 01-02-6-01567/2015 od 31.3.2015. godine, nakon razmatranja Preporuke Komisije za javne nabavke broj 01-11-11-00948-1/24 od 29.2.2024. godine, Direktor Federalne uprave za inspeksijske poslove u ime ugovornog organa, donosi

ODLUKU
o nabavci namjenskih setova obilježenih posebnih radnih odijela
za potrebe saobraćajnih inspektora FUZIP-a

I

Prihvata se preporuka Komisije za javne nabavke broj 01-11-11-00948-1/24 od 29.2.2024. godine, te se ugovor o nabavci roba - namjenski setovi obilježenih posebnih radnih odijela za potrebe saobraćajnih inspektora FUZIP-a dodjeljuje ponuđaču „Sendy“ d.o.o. Tešanj, čija ponuda broj 001-24 od 28.2.2024. godine je ocijenjena prihvatljivom.

II

Ugovor sa ponuđačem iz tačke I ove odluke će se zaključiti pod slijedećim uslovima:

- ukupna cijena ponude: 5.994,00 KM bez uračunatog PDV-a, odnosno 7.012,98 KM sa PDV-om;
- u ukupnu cijenu ponude su uračunati troškovi obilježavanja navedene opreme, te uzimanje konfekcijskih veličina od inspektora i isporuku odijela na adresu FUZIP-a u Sarajevu;
- rok plaćanja je 30 (trideset) dana od dana prijema fakture za isporučene robe
- ugovor će se zaključiti na period do izvršenja predmeta ugovora.

III

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Planom nabavki Uprave za 2024. godine je u dijelu – robe, redni broj 9 predviđeno provođenje postupka direktnog sporazuma za nabavku roba - namjenski setovi obilježenih posebnih radnih odijela za potrebe saobraćajnih inspektora FUZIP-a. Procijenjena vrijednost nabavke je 6.000,00 KM bez uračunatog PDV-a., JRJN 18130000-9.

Postupajući shodno dinamici javnih nabavki koja je utvrđena Planom nabavki Uprave za 2024. godinu Sektor za tehničku podršku i plansko – analitičke poslove i saobraćajni inspektorat su definisali robe koje su predmet nabavke. Nakon toga je pripremljen poziv za dostavljanje ponude za nabavku predmetnih roba koji je upućen ponuđaču „Sendy“ d.o.o. Tešanj. Kao rok za dostavljanje ponude je utvrđen datum 8.3.2024. godine.

Ponuđač „Sendy“ d.o.o. Tešanj je dana 29.2.2024. godine dostavio svoju ponudu koju je od strane Komisije za javne nabavke Uprave otvorena i razmotrena istog dana.

Izvršenim uvidom u ponudu broj 001-24 od 28.2.2024. godine Komisija je utvrdila da je ponuđač ponudio sve zahtjevane stavke iz poziva za dostavljanje ponude. razmatra na današnjoj sjednici.

Ponuđač je tražene robe ponudio po ukupnoj cijeni od 5.994,00 KM bez uračunatog PDV-a, uz napomenu da je za izradu radne odjeće potrebno izvršiti uzimanje mjera u sjedištu Uprave u Sarajevu.

Shodno pozivu za dostavljanje ponude čije odredbe je ponuđač prihvatio u ukupnu cijenu ponude su uračunati troškovi obilježavanja navedene opreme, te uzimanje konfekcijskih veličina od inspektora i isporuke roba na adresu FUZIP-a u Sarajevu.

Komisija je ponudu ocijenila prihvatljivom, te je direktoru Uprave dostavila preporuku broj 01-11-11-00948-1/24 od 29.2.2024. godine kojom je predloženo da sa navedena ponuda prihvati i donese odluka o dodjeli ugovora istom.

Prilikom razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: U skladu sa članom 101. stav (6) Zakona o javnim nabavkama, protiv ove odluke žalba nije dopuštena.



17. 06-03-2024
Dostaviti:

1. „Sendy“ d.o.o. Tešanj, Kraševo bb, 74266 Tešanj
2. Sektor za materijalno-finansijske i tehničke poslove
3. Sektor za tehničku podršku i plansko-analitičke poslove
4. Komsija za javne nabavke (a/a).